

تَبَسُّمُ الْمَصْطَفَى

صلى الله عليه وسلم

SOURIR DU SAINT PROPHETE

Prepared By
Maulana Shameem Noorani



Prepare Par: Maulana Shameem Noorani Seegoolam
S.S.R Street, Rivière du Rempart
Or
Masjid Quaderi Chisti
Desire Sicard Lane, Camp Chapelon
Tel: 948 6870
E-mail: shameemn@ymail.com

Première Edition: Rabi ul Awwal 1434 Hijri – 2013

Tous les droits de traduction, de reproduction et d'impression de ce livre ne sont pas réservés. Tout le monde peut les faire à condition qu'on ne fasse pas de changement dans le contenu, ni la conception du texte et des lettres et au montage et qu'on utilise du papier de bonne qualité pour l'impression.

Dedication

*Quaïd-e-Ahl-e-Sunnah, Hadhrat Sayyiduna
Shah Ahmad Noorani Siddiqui Quaderi*
سقى الله ثراه و جعل الجنة مثواه

اللهم تقبل منا ما مضى وبارك لنا فيما بقى واجعلنا من
عتقائك من النار

بسم الله الرحمن الرحيم نحمده ونصلي على رسوله الكريم

Sayyida Ayesha ‘*radiallaahu anha*’ rapporté:

ما رايت رسول الله ضاحكا حتى ارى منه لهواته، انما كان يتبسم

Rasoulullah ‘*Sallallaahu Alayhi Wa Sallam*’ jamais fine rire (à haut voix), mais tout le temps fine faire SOURIRE. [Bukhari]

Sayyiduna Abdullah Ibn Haaris ‘*radiallaahu anh*’ rapporté:

ما رايت احدا اكثر تبسما من رسول الله

Jamais mo fine trouve un personne plus souriant qui Rasoulullah ‘*Sallallaahu Alayhi Wa Sallam*’.

كان النبي صلى الله عليه وسلم يمزح ولا يقول إلا حقا

Note: Faire rire c’est un Sunnah. Mais pas par bannes fausse parole. Rasoulullah ‘*Sallallaahu Alayhi Wa Sallam*’ ti pé badiner avec bannes compagnons, mais tous sur la vérité.

Certains événements où le Saint Prophète ‘*Sallallaahu Alayhi Wa Sallam*’ fine faire Sourire

1. Sourire moment écoute Naat ‘éloge’

قال حكيم بن حزام كان محمد صلى الله عليه وسلم احب الناس الى في الجاهلية، فلما نبيء وهاجر، شهد حكيم الموسم كافرا، فوجد حلة لذي يزن تباع - - - - الخ

Sayyiduna Urwa ‘*radiallaahu anh*’ rapporter, une fois Hakeem Ibn Hizaam ‘*radiallaahu anh*’ fine visite Yémen et fine acheté un vêtement de coton (Zi-Yazn/Vêtement royal), li fine retourne Madinah Tayyiba, même li pas fine

embrasse Islam, li fine présent sa vêtement la devant Rasoulullah ‘Sallallaahu Alayhi Wa Sallam’.

Rasoulullah ‘Sallallaahu Alayhi Wa Sallam’ pas fine accepter so cadeau et fine dire mo pas accepter cadeau offert par bannes polythéiste. Ensuite li (Hakeem) fine décide pour vendre le vêtement, Rasoulullah ‘Sallallaahu Alayhi Wa Sallam’ fine donne l’ordre pour acheter, la personne qui fine acheter, li fine donne Rasoulullah ‘Sallallaahu Alayhi Wa Sallam’.

Rasoulullah ‘Sallallaahu Alayhi Wa Sallam’ fine porte ce vêtement et fine sortir vers Masjid, Hakeem dire; dans ce vêtement, jamais mo fine trouve un Person plus joli qui Rasoulullah ‘Sallallaahu Alayhi Wa Sallam’, exactement comme 14eme lune (pleine lune). Incontrôlable, bannes poèmes suivantes fine sorti depuis dans mo la bouche:

*Qui l’ordre pour commander? Au contraire c’est lui-même qui commander
C’est un humain très radiant qui fine apparaître
So front et visage très brillant
Un personne so l’honneur et noblesse augmenter si approcher avec lui
Justement de l’eau bien claire et pure fine verser lors lui*

Rasoulullah ‘Sallallaahu Alayhi Wa Sallam’ quand fine écoute bannes poèmes, li fine faire un SOURIRE et aussi avec so propre l’argent fine faire paiement sa linge la, et après fine cadeau Sayyiduna Usaamah ‘radiallaahu anh’.

2. Sourire par action Sayyiduna Safinah ‘radiallaahu anh’

احتجم النبي صلى الله عليه وسلم ثم قال لي : خذ هذا الدم فادفنه من الدواب والطير
- - - فأخبرته أنني شربته ، فضحك

Sayyiduna Safinah ‘radiallaahu anh’ expliquer, Nabi-e-Kareem ‘Sallallaahu Alayhi Wa Sallam’ fine faire Hijaamah (Ventouse), ensuite fine dire moi enterre sa du sang la loin avec animaux et oiseaux, Sayyiduna Safinah dire, quand mo fine arrive dans un place caché, mo fine boire du sang. Quand mo fine retourner, Rasoulullah ‘Sallallaahu Alayhi Wa Sallam’ fine demande moi à propos du sang, mo fine dire mo fine boire, Rasoulullah ‘Sallallaahu Alayhi Wa Sallam’ fine faire SOURIRE. [Bukhari/Tabaraani/Bayhaqi]

3. Sourire par action Sayyiduna Nu'aymaan '*radiallaahu anh*'

جاء الى النبي صلى الله عليه وسلم فقول هذا اهديته لك - - فيضحك ويامر
لصاحبه بثمنه

Sayyiduna Nu'aymaan '*radiallaahu anh*' c'est une personne qui ti pé faire Rasoulullah '*Sallallaahu Alayhi Wa Sallam*' faire Sourire.

Une fois li fine prend du beurre et du miel depuis so camarade, et fine cadeau Rasoulullah '*Sallallaahu Alayhi Wa Sallam*', Sayyiduna Nu'aymaan so camarade fine dire to fine prend du beurre et du miel, alors to besoin payer.

Sayyiduna Nu'aymaan '*radiallaahu anh*' fine prend so camarade et fine amène chez Rasoulullah '*Sallallaahu Alayhi Wa Sallam*', et fine dire Ya Rasoulallah, mo ti cadeau ou du beurre et du miel, paie mo camarade pour ca.

Rasoulullah '*Sallallaahu Alayhi Wa Sallam*' fine dire li, Ou pas fine cadeau moi? Li fine réponde qui Ya Rasoulallah! Mo péna l'argent pour payer mais mo envie qui ou manger. Rasoulullah '*Sallallaahu Alayhi Wa Sallam*' fine faire SOURIRE et fine donne l'ordre pu faire paiement. [Bayhaqi]

4. Sourire envers Sayyiduna Anas '*radiallaahu anh*'

كان رسول الله صلى الله عليه وسلم من احسن الناس خلقا - - فاذا رسول الله صلى
الله عليه وسلم يتبسم ويقول - -

Sayyiduna Anas '*radiallaahu anh*' dire: Rasoulullah '*Sallallaahu Alayhi Wa Sallam*' so Meilleur Caractère plus supérieur qui tous humains, une fois Rasoulullah '*Sallallaahu Alayhi Wa Sallam*' fine envoie moi pour un travail, plaisantant mo fine dire mo pas pour aller, (mais dans mo le cœur mo fine dire mo pour aller).

Mo fine sorti pour faire travail, mais en route mo fine trouve bannes enfants pé jouer, mo fine joindre bannes la pour jouer et mo fine oublier Rasoulullah '*Sallallaahu Alayhi Wa Sallam*' so travail.

Apres quelque temps, quelqu'un fine attrape mo épaule, quand mo fine porte mo regard, mo fine trouve Rasoulullah '*Sallallaahu Alayhi Wa Sallam*'.

Rasoulullah ‘*Sallallaahu Alayhi Wa Sallam*’ fine regarde moi avec un SOURIRE et fine demande moi, O Anas! Ou fine faire mo travail? Mo fine répondre, Ya Rasoulallah! Aster mo pé allé. [Mishkaat]

5. Sourire par action Sayyiduna Sa’ad ‘*radiallaahu anh*’

عن عامر بن سعد عن ابيه قال لقد رايت النبی صلی الله علیه وسلم ضحك يوم الخندق حتى بدت نواجزه - - -

Sayyiduna Aamir Ibn Sa’ad ‘*radiallaahu anh*’ rapporter qui Mo papa Sa’ad ‘*radiallaahu anh*’ fine raconte moi qui jour bataille de tranchée (Ahzaab/Khandaq), mo fine trouve Rasoulullah ‘*Sallallaahu Alayhi Wa Sallam*’ faire SOURIRE excessivement.

Rapporteur fine demander pour qui raison? Ibn Sa’ad ‘*radiallaahu anh*’ dire, façon qui Sa’ad ti pé maîtrise bannes ennemies par flèche. [Tirmizi]

6. Sourire sur réponse donnée par un Sahâbi

بينما نحن جلوس عند النبي صلى الله عليه وسلم اذ جاء رجل فقال يا رسول الله هلكت - - - فضحك النبي صلى الله عليه

Sayyiduna Abu Hurayrah ‘*radiallaahu anh*’ rapporter, une personne fine vine chez Rasoulullah ‘*Sallallaahu Alayhi Wa Sallam*’, et fine dire: Je suis ruiné, mo fine gagne relation dans le mois Ramadhan.

- Rasoulullah ‘*Sallallaahu Alayhi Wa Sallam*’ fine dire: Comme l’amende, libère un esclave.
- Li fine répondre: Mo péna esclave.
- Rasoulullah ‘*Sallallaahu Alayhi Wa Sallam*’ fine dire: Observe jeûne (Roza) 2 mois continue.
- Li fine répondre: Mo péna courage.
- Rasoulullah ‘*Sallallaahu Alayhi Wa Sallam*’ fine dire: Alors, donne 60 humains nourriture.
- Li fine répondre: Dans mo possession péna sa quantité nourriture pour donner.

En même temps, un panier date fine être apporter, Rasoulullah '*Sallallaahu Alayhi Wa Sallam*' fine demande concernant sa personne la. La personne fine présenter et Rasoulullah '*Sallallaahu Alayhi Wa Sallam*' fine dire li, prend sa panier date la et faire la charité.

Li fine répondre, est-ce qui mo donne quelqu'un qui mériter plus? Et dans Madinah quelqu'un qui plus mériter qui moi, pas exister.

Rasoulullah '*Sallallaahu Alayhi Wa Sallam*' fine faire un SOURIRE jusqu'a le dent bénis fine apparaitre et ensuite fine dire li prend panier date, manger et donne ou famille manger. [Bukhari]

7. Sourire par action Sayyidah Ayesha '*radiallaahu anha*'

Umm-ul-Mu'mineen Sayyida Ayesha '*radiallaahu anha*' raconter, une fois mo fine prépare une recette doux (pudding/halwa/kheer/céréale) pour Rasoulullah '*Sallallaahu Alayhi Wa Sallam*', li ti assise entre moi et Umm-ul-Mu'mineen Sayyida Sawdah '*radiallaahu anha*', mo fine offert Sayyida Sawdah '*radiallaahu anha*' pour manger, mais li fine refuser, mo fine insister pour li manger sinon mo pour force li.

Finalement mo fine prend pudding et mo fine maquille so figure entière, Rasoulullah '*Sallallaahu Alayhi Wa Sallam*' quand fine trouver, li fine faire SOURIRE et fine dire Sayyida Sawdah '*radiallaahu anha*', Ou aussi frotte dans so figure, ensuite Sayyidah Sawdah '*radiallaahu anha*' fine maquille mo figure aussi et Rasoulullah '*Sallallaahu Alayhi Wa Sallam*' fine faire SOURIRE. [Kanz-ul-Ummaal]

8. Sourire lors défaite Shaitaan

ان رسول الله صلى الله عليه وسلم دعا لامته عشية عرفة بالمغفرة فاجابه الله - - -
فاضحكى ما رايت من جزعه

Jour Arafah, Rasoulullah '*Sallallaahu Alayhi Wa Sallam*' fine faire Dua pour Ummah, Allah Ta'ala fine accepter Dua et fine pardonne tous excepter bannes oppresseur.

Lendemain dans Muzdalifa, Rasoulullah *'Sallallaahu Alayhi Wa Sallam'* fine faire même Dua, Allah fine accepter et fine pardonne bannes oppresseur aussi.

Rasoulullah *'Sallallaahu Alayhi Wa Sallam'* fine faire SOURIRE, Sayyiduna Abu Bakr et Sayyiduna Umar *'radiallaahu anhuma'* fine demander, Ya Rasoulallah! Qui raison ou fine faire Sourire?

Rasoulullah *'Sallallaahu Alayhi Wa Sallam'* fine répondre, Mo fine faire Dua pour Mo Ummah, Allah Ta'ala fine pardonne mo Ummah, mo pé faire Sourire la cause Shaitaan fine prend la terre et jette lors so la tête. Alors mo pé rire lors so défaite. [Ibn Maajah]

9. Sourire moment Shaitaan fine vomi

كان رجل ياكل فلم يسم -- فضحك النبي صلى الله عليه وسلم --

Une personne ti ensemble avec Rasoulullah *'Sallallaahu Alayhi Wa Sallam'* pour manger, li fine oublier lire Bismillah, li fine continuer manger jusqu'à li fine imaginer qui li fine oublier lire Bismillah. Finalement li fine lire Bismillah.

Rasoulullah *'Sallallaahu Alayhi Wa Sallam'* fine faire SOURIRE et fine dire, Shaitaan ti pé manger ensemble avec li, mais quand li fine lire Bismillah, Shaitaan fine commence vomi tous. [Abu Dawud]

10. Sourire dans étonne Sayyida Ayesha *'radiallaahu anha'*

Sayyida Ayesha *'radiallaahu anha'* dire, Une fois, Rasoulullah *'Sallallaahu Alayhi Wa Sallam'* fine dire moi pas dormir tant que mo pas faire 4 actions:

- (a) Récite Quran entier.
- (b) Nomme tous Prophètes comme intercesseur.
- (c) Faire tous Musulmans satisfait
- (d) Accomplir Hajj et Umrah

Ensuite Rasoulullah *'Sallallaahu Alayhi Wa Sallam'* fine être occuper dans Salaah. Mo fine allonge moi sur lit. Quand Rasoulullah *'Sallallaahu Alayhi Wa Sallam'* fine terminer, mo fine demander, Ya Rasoulallah! Comment possible pour mettre sa 4 actions la en pratique dans ce période courte? Rasoulullah *'Sallallaahu Alayhi Wa Sallam'* fine faire SOURIRE et fine dire, O Ayesha!

- (a) Quand ou lire Surah Ikhlâs 3 fois, so Sawâb li équivalent entier Quran
- (b) Quand ou envoie la paix (Durood & Salâm) lors Moi et tous Rasool, alors bannes la pour faire Ou Shafaa'at.
- (c) Quand Ou faire Dua-e-Maghfirah pour tous Musulmans, bannes la pour Satisfait avec Ou.
- (d) Quand ou recite 'Subhaanallaahi Walhamdu Lillaahi Wa Laa Ilaaha Illallaahu Wallaahu Akbar', so Sawâb c'est 1 Hajj et 1 Umrah.

11. Sourire lors Situation Sayyiduna Uqba '*radiallaahu anh*'

عن عقبة بن الحارث رضي الله عنه أنَّ امرأةً سوداء جاءت - - - تبسم النبي صلى الله عليه وسلم قال: كيف وقد قيل وكانت تحته ابنة أبي إهاب التميمي

Sayyiduna Uqba '*radiallaahu anh*' raconter, Une fois 1 Africaine fine vine chez moi, et li fine dire qui li fine déjà allaite moi et mo épouse. Mo fine mettre Rasoulullah '*Sallallaahu Alayhi Wa Sallam*' au courant, Rasoulullah fine tourne so figure et fine faire SOURIRE. Ensuite fine dire, comment sa possible qui li dans Ou Nikah du moment qui Ou épouse li Ou sœur de lait. [Bukhari]

12. Sourire par Action Umm-e-Ayman '*radiallaahu anha*'

عن ام ايمن انها قالت، قام النبي صلى الله عليه وسلم - - - فضحك النبي صلى الله عليه وسلم حتى بدت نواجذه ثم قال اما انك لا يفجع بطنك بعده ابدا

Sayyida Umm-e-Ayman '*radiallaahu anha*' rapporter, Une fois dans la nuit, Rasoulullah '*Sallallaahu Alayhi Wa Sallam*' fine lever, et dans un coin fine faire besoin naturelle dans une récipient (pot).

Dans même nuit, mo fine lever a soir avec la soif, inconsciemment mo fine boire Urine Bénis du Rasoulullah '*Sallallaahu Alayhi Wa Sallam*'. Le matin, Rasoulullah '*Sallallaahu Alayhi Wa Sallam*' fine dire moi, prend telle pot et jette li.

Mo fine dire, mo fine boire (inconsciemment). Rasoulullah '*Sallallaahu Alayhi Wa Sallam*' fine faire SOURIRE jusqu'à le dent bénis fine apparaitre et fine dire a partir de maintenant, jamais Ou pour être affecter par problème l'estomac (et vente). [Tabaraani]

13. Sourire lors Révélation Surah Al-Inshiraah

Sayyiduna Hasan '*radiallaahu anh*' rapporter, une fois Rasoulullah '*Sallallaahu Alayhi Wa Sallam*' fine rentrer chez nous avec la joie et avec SOURIRE. Rasoulullah '*Sallallaahu Alayhi Wa Sallam*' fine dire, Sans doute, 1 difficulté pas pour capable maîtrise 2 facilites.

[Surah Inshiraah fine révéle] Quran pe dire: '*fa inna ma'al u'sri yusraa – inna ma'al u'sri yusraa*'. [Tafseer]

14. Sourire lors Révélation Surah Al-Kawsar

Sayyiduna Anas '*radiallaahu anh*' rapporter, Rasoulullah '*Sallallaahu Alayhi Wa Sallam*' ti parmi nous, tout à coup, li fine observe silence (transe), ensuite fine faire SOURIRE.

Nous fine demande raison, alors Rasoulullah fine dire Surah Kawsar fine descendre... [Muslim]

15. Sourire par action bannes Umm-ul-Mu'mineen

Sayyiduna Sa'eed '*radiallaahu anh*' rapporter, une fois Sayyiduna Umar '*radiallaahu anh*' fine prend permission pour rentre chez Rasoulullah '*Sallallaahu Alayhi Wa Sallam*'.

En même temps, bannes Umm-ul-Mu'mineen ti a l'intérieur, quand Sayyiduna Umar '*radiallaahu anh*' fine rentrer, bannes Umm-ul-Mu'mineen fine cachette. Rasoulullah '*Sallallaahu Alayhi Wa Sallam*' quand fine trouve bannes la zotte réaction, li fine faire SOURIRE....

Finalement Rasoulullah '*Sallallaahu Alayhi Wa Sallam*' fine dire, O Umar! Shaitaan pas marche lors chemin qui Ou fine marcher. [Bukhari]

